

大乘入楞伽經

第一

四百一十九

四一

48265



皇圖永固
 帝德遐宣
 日增輝耀
 懋合輪常轉
 九樣九年正月重脩
 山西太原法金剛院置

法金剛院藏
 皇圖永固



新譯大乘入楞伽經序

御製



四

楊氏

蓋聞摩羅山頂既最崇而最嚴楞伽城中實
難往而難入先佛弘宣之地曩聖修行之所
爰有城主號羅婆那乘宮殿以謁

尊顏奏樂音而祈妙法因巖峯以表興指巖

海以明宗所言入楞伽經者斯乃諸佛心量

之玄樞群經理窟之妙鍵廣喻幽旨洞明深

義不生不滅非有非無絕去來之二途離斷

常之雙執以第一義諦得最上妙珍體諸法

之皆虛知前境之如幻混假名之分別等生

死與涅槃大慧之問初陳法王之旨斯發一

百八義應實相而離世間三十九門破邪見
而宣正法曉名相之並假祛妄想之迷衿依
正智以會如如悟緣起而歸妙理境風旣息
識浪方澄三自性皆空二無我俱泯入
如來之藏遊解脫之門原此經文來自西國
至若元嘉建號跋陀之譯未弘延昌紀年流
支之義多舛朕虔思付囑情切紹終示
元年歲次庚子林鍾紀律炎帝司辰于時避
暑箕峯觀風潁水三陽宮內重出斯經討三
本之要詮成七卷之了教三藏沙門于闐國
僧實義難陀大德大福先寺僧復禮等並名
追安遠德契騰蘭襲龍樹之芳猷探馬鳴之

祕府戒香與覺花齊馥意珠共性月同圓故
能了達沖微發揮奧蹟以長安四年正月十
五日繕寫云畢自惟菲薄言謝珪璋願四辯
而多慙瞻一乘而夙測難違緇俗之請強申
翰墨之文詞拙理乖彌增媿慙伏以此經微
妙最為希有所異彼重昏之暗傳燈之句不
窮演流注之功湧泉之義無盡題目品次列
於後云

大乘入楞伽經卷第一

大唐三藏實叉難陀譯

羅婆那王勸請品第一

如是我聞一時佛住大海濱摩羅耶山頂楞

伽城中與大比丘衆及大菩薩衆俱其諸善
薩摩訶薩悉已通達五法三性諸識無我善
知境界自心現義遊戲無量自在三昧神通
諸力隨衆生心現種種形方便調伏一切諸
佛手灌其頂皆從種種諸佛國土而來此會
大慧菩薩摩訶薩爲其上首

尔時世尊於海龍王宮說法過七日已從大
海出有無量億梵釋護世諸天龍等奉迎於
佛尔時如來舉目觀見摩羅耶山楞伽大城
即便微笑而作是言昔諸如來應正等覺皆
於此城說自所得聖智證法非諸外道臆度
邪見及以二乘修行境界我今亦當爲羅婆

那王開示此法

尔時羅婆那夜叉王以佛神力聞佛言音遙
知如來從龍宮出梵釋護世天龍圍遶見海
波浪觀其衆會藏識大海境界風動轉識浪
起發歡喜心於其城中高聲唱言我當詣佛
請入此城今我及與諸天世人於長夜中得
大饒益作是語已即與眷屬乘花宮殿往世
尊所到已下殿右遶三匝作衆伎樂供養如
來所持樂器皆是大青因陀羅寶琉璃等寶
以爲間錯無價上衣而用纏裹其聲美妙音
節相和於中說偈而讚佛曰
心自性法藏 無我離見垢 證智之所知

願佛為宣說

善法集為身

證智常安樂

變化自在者

願入楞伽城

過去佛菩薩

皆曾任此城

此諸夜叉眾

一心願聽法

尔時羅婆那楞伽王以都咤迦音

歌讚佛已

復以歌聲而說頌言

世尊於七日

住摩竭海中

然後出龍宮

安詳昇此岸

我與諸姝女

及夜叉眷屬

輸迦娑剌那

眾中聰慧者

悉以其神力

往詣如來所

各下花宮殿

禮敬世所尊

復以佛威神

對佛稱己名

我是羅刹王

十首羅婆那

今來詣佛所

願佛攝受我

及楞伽城中

所有諸眾

過去無量佛

咸昇寶山頂

住楞伽城中

說自所證法

世尊亦應尔

住彼寶嚴山

菩薩衆圍遶

演說清淨法

我等於今日

及住楞伽衆

一心共欲聞

離言自證法

我念去來世

所有無量佛

菩薩共圍遶

演說楞伽經

此入楞伽典

昔佛所稱讚

願佛同往尊

亦爲衆開演

請佛爲哀愍

無量夜義衆

入彼寶嚴城

說此妙法門

此妙楞伽城

種種寶嚴飾

牆壁非土石

羅網悉珍寶

此諸夜義衆

昔曾供養佛

修行離諸過

證智常明了

夜義男女等

渴仰於大乘

自信摩訶衍

亦樂令他住

唯願無上尊

為諸羅刹眾

獲耳等眷屬

往詣楞伽城

我於去來今

勤供養諸佛

願聞自證法

究竟大乘道

願佛哀愍我

及諸夜叉眾

共諸佛子等

入此楞伽城

我宮殿婁女

及以諸瓔珞

可愛無憂園

願佛哀納受

我於佛菩薩

無有不捨物

乃至身給侍

唯願哀納受

復念劫

尔時世尊聞是語已即告之言夜叉王過去

世中諸大導師咸哀愍汝受汝勸請詣寶山

中說自證法未來諸佛亦復如是此是修行

甚深觀行現法樂者之所住處我及諸菩薩

哀愍汝故受汝所請作是語已默然而住時

羅婆那王即以所乘妙花宮殿奉施於佛佛
坐其上王及諸菩薩前後導從無量姝女歌
詠讚歎供養於佛往詣彼城到彼城已羅婆
那王及諸眷屬復作種種上妙供養夜叉衆
中童男童女以寶羅網供養於佛羅婆那王
施寶瓔珞奉佛菩薩以挂其頸尔時世尊及
諸菩薩受供養已各為略說自證境界甚深
之法時羅婆那王并其眷屬復更供養大慧
菩薩而勸請言

我今請大士 奉問於世尊 一切諸如來
自證智境界 我與夜叉衆 及此諸菩薩
一心願欲聞 是故咸勸請 汝是修行者

言論中最勝

是故生尊敬

勸汝請問法

自證清淨法

究竟入佛地

離外道二乘

一切諸過失

尔時世尊以神通力於彼山中復更化作無

量寶山悉以諸天百千万億妙寶嚴飾一一

山上皆現佛身一一佛前皆有羅婆那王及

其衆會十方所有一切國土皆於中現一一

國中悉有如來一一佛前咸有羅婆那王并

其眷屬楞伽大城阿輸迦園如是莊嚴等無

有異一一皆有大慧菩薩而興請問佛爲開

示自證智境以百千妙音說此經已佛及諸

菩薩皆於空中隱而不現羅婆那王唯自見

身住本宮中作是思惟向者是誰誰聽其說
所見何物是誰能見佛及國城衆寶山林如
是等物今何所在爲夢所作爲幻所成爲復
猶如乾闥婆城爲翳所見爲燄所惑爲如夢
中石女生子爲如煙焰旋火輪耶復更思惟
一切諸法性皆如是唯是自心分別境界凡
夫迷惑不能解了無有能見亦無所見無有
能說亦無所說見佛聞法皆是分別如向所
見不能見佛不起分別是則能見時楞伽王
尋即開悟離諸雜染證唯自心住無分別往
昔所種善根力故於一切法得如實見不隨
他悟能以自智善巧觀察永離一切臆度邪

解住大修行爲修行師現種種身善達方便
巧知諸地上增進相常樂遠離心意意識斷
三相續見離外道執著內自覺悟入如來藏
趣於佛地聞虛空中及宮殿內咸出聲音善
哉大王如汝所學諸修行者應如是學應如
是見一切如來應如是見一切諸法若異見
者則是斷見汝應永離心意意識應勤觀察
一切諸法應修內行莫著外見莫墮二乘及
以外道所修句義所見境界及所應得諸三
昧法汝不應樂戲論談笑汝不應起圍陀諸
見亦不應著王位自在亦不應住六定等中
若能如是即是如實修行者行能摧他論能

破惡見能捨一切我見執著能以妙慧轉所
依識能修菩薩大乘之道能入如來自證之
地汝應如是勤加修學令所得法轉更清淨
善修三昧三摩鉢底莫著二乘外道境界以
爲勝樂如凡修者之所分別外道執我見有
我相及實求那而生取著二乘見有無明緣
行於性空中亂想分別楞伽王此法殊勝是
大乘道能令成就自證聖智於諸有中受上
妙生楞伽王此大乘行破無明翳滅識波浪
不墮外道諸見行中楞伽王外道行者執著
於我作諸異論不能演說離執著見識性二
義善哉楞伽王汝先見佛思惟此義如是思

惟乃是見佛

尔時羅婆那王復作是念願我更得奉見如
來如來世尊於觀自在離外道法能說自證
聖智境界超諸應化所應作事住如來定入
三昧樂是故說名大觀行師亦復名爲大哀
愍者能燒煩惱分別薪盡諸佛子衆所共圍
遶普入一切衆生心中徧一切處具一切智
永離一切分別事相我今願得重見如來大
神通力以得見故未得者得已得不退離諸
分別住三昧樂增長滿足如來智地

尔時世尊知楞伽王即當證悟無生法忍爲
哀愍故便現其身令所化事還復如本時十

頭王見所曾覩無量山城悉寶莊嚴一一城中皆有如來應正等覺三十二相以嚴其身自見其身遍諸佛前悉有大慧夜叉圍遶說自證智所行之法亦見十方諸佛國土如是等事悉無有別尔時世尊普觀衆會以慧眼觀非肉眼觀如師子王奮迅迴眄欣然大笑於其眉間脛脇腰頸及以肩臂德字之中一一毛孔皆放無量妙色光明如虹拖暉如日舒光亦如劫火猛焰熾然時虛空中梵釋四天遙見如來坐如須弥楞伽山頂欣然大笑尔時諸菩薩及諸天衆咸作是念如來世尊於法自在何因緣故欣然大笑身放光明默

然不動住自證境入三昧樂如師子王周迴
顧視觀羅婆那念如實法

尔時大慧菩薩摩訶薩先受羅婆那王請復
知菩薩衆會之心及觀未來一切衆生皆悉
樂著語言文字隨言取義而生迷惑執取二
乘外道之行或作是念世尊已離諸識境界
何因緣故欣然大笑爲斷彼疑而問於佛佛
即告言善哉大慧善哉大慧汝觀世間愍諸
衆生於三世中惡見所纏欲令開悟而問於
我諸智慧人爲利自他能作是問大慧此楞
伽王曾問過去一切如來應正等覺二種之
義今亦欲問未來亦尔此二種義差別之相

一切二乘及諸外道皆不能測

尔時如來知楞伽王欲問此義而告之曰楞伽王汝欲問我宜應速問我當為汝分別解釋滿汝所願令汝歡喜能以智慧思惟觀察離諸分別善知諸地修習對治證真實義入三昧樂為諸如來之所攝受住奢摩他樂遠離二乘三昧過失住於不動善慧法雲菩薩之地能如實知諸法無我當於大寶蓮花宮中以三昧水而灌其頂復現無量蓮華圍遶無數菩薩於中止住與諸眾會遙相瞻視如是境界不可思議楞伽王汝起一方便行住修行地復起無量諸方便行汝定當得如上

所說不思議事處如來位隨形應物汝所當
得一切二乘及諸外道梵釋天等所未曾見
余時楞伽王蒙佛許已即於清淨光明如大
蓮華寶山頂上從座而起諸姝女衆之所圍
遶化作無量種種色華種種色香末香塗香
幢幡憶蓋冠珮瓔珞及餘世間未曾見聞種
種勝妙莊嚴之具又復化作欲界所有種種
無量諸音樂器過諸天龍乾闥婆等一切世
間之所有者又復化作十方佛土昔所曾見
諸音樂器又復化作大寶羅網遍覆一切佛
菩薩上復現種種上妙衣服建立幢幡以為
供養作是事已即昇虛空高七多羅樹於虛

空中復雨種種諸供養雲作諸音樂從空而
下即坐第二日電光明如大蓮華寶山頂上
歡喜恭敬而作是言我今欲問如來二義如
是二義我已曾問過去如來應正等覺彼佛
世尊已爲我說我今亦欲問於是義唯願如
來爲我宣說世尊變化如來說此二義非根
本佛根本佛說三昧樂境不說虛妄分別所
行善哉世尊於法自在唯願哀愍說此二義
一切佛子心皆樂聞

尔時世尊告彼王言汝應問我當爲汝說時
夜叉王更著種種寶冠瓔珞諸莊嚴具以嚴
其身而作是言如來常說法尚應捨何況非

法云何得捨此二種法何者是法何者非法
法若應捨云何有二有二即墮分別相中有
體無體是實非實如是一切皆是分別不能
了知阿賴耶識無差別相如毛輪住非淨智
境法性如是云何可捨尔時佛告楞伽王言
楞伽王汝豈不見瓶等無常敗壞之法凡夫
於中妄生分別汝今何故不如是知法與非
法差別之相此是凡夫之所分別非聖智見
凡夫墮在種種相中非諸聖者楞伽王如燒
宮殿園林見種種焰火性是一所出光焰由
新力故長短大小各各差別汝今云何不如
是知法與非法差別之相楞伽王如一種子

生茅莖枝葉及以花果無量差別外法如是
內法亦然謂無明爲緣生蘊界處一切諸法
於三界中受諸趣生有苦樂好醜語默行止
各各差別又如諸識相雖是一隨於境界有
上中下染淨善惡種種差別楞伽王非但如
上法有差別諸修行者修觀行時自智所行
亦復見有差別之相況法與非法而無種種
差別分別楞伽王法與非法差別相者當知
悉是相分別故楞伽王何者是法所謂二乘
及諸外道虛妄分別說有實等爲諸法因如
是等法應捨應離不應於中分別取相見自
心法性則無執著瓶等諸物凡愚所取本無

有體諸觀行人以毗鉢舍那如實觀察名捨
諸法楞伽王何者是非法所謂諸法無性無
相永離分別如實見者若有若無如是境界
彼皆不起是名捨非法復有非法所謂兔角
石女兒等皆無性相不可分別但隨世俗說
有名字非如瓶等而可取著以彼非是識之
所取如是分別亦應捨離是名捨法及捨非
法楞伽王汝先所問我已說竟楞伽王汝言
我於過去諸如來所已問是義彼諸如來已
爲我說楞伽王汝言過去但是分別未來亦
然我亦同彼楞伽王彼諸佛法皆離分別已
出一切分別戲論非如色相唯智能證爲今

衆生得安樂故而演說法以無相智說名如
來是故如來以智爲體智爲身故不可分別
不可以所以分別不可以我人衆生相分別何
故不能分別以意識因境界起取色形相是
故離能分別亦離所分別楞伽王譬如壁上
彩畫衆生無有覺知世間衆生悉亦是無
業無報諸法亦然無聞無說楞伽王世間衆
生猶如變化凡夫外道不能了達楞伽王能
如是見名爲正見若他見者名分別見由分
別故取著於二楞伽王譬如有人於水鏡中
自見其像於燈月中自見其影於山谷中自
聞其響便生分別而起取著此亦如是法與

非法唯是分別由分別故不能捨離但更增
長一切虛妄不得寂滅寂滅者所謂一緣一
緣者是最勝三昧從此能生自證聖智以如
來藏而為境界

大乘入楞伽經集一切法品第二之一

尔時大慧菩薩摩訶薩與摩帝菩薩俱遊一

切諸佛國土承佛神力從座而起偏袒右肩
右膝著地向佛合掌曲躬恭敬而說頌言

世間離生滅 譬如虛空花 智不得有無

而興大悲心 一切法如幻 遠離於心識

智不得有無 而興大悲心 世間恒如夢

遠離於斷常 智不得有無 而興大悲心

知人法無我

煩惱及介焰

常清淨無相

而興大悲心

佛不住涅槃

涅槃不住佛

遠離覺所覺

若有若非有

法身如幻夢

去何可稱讚

知無性無生

乃名稱讚佛

佛無根境相

不見名見佛

去何於牟尼

而能有讚毀

若見於牟尼

寂靜遠離生

是人今後世

離著無所取

尔時大慧菩薩摩訶薩偈讚佛已自說姓名

我名為大慧

通達於大乘

今以百八義

仰諮尊中上

時世間解聞是語已普觀眾會而作是言

汝等諸佛子

今皆恣所問

我當為汝說

自證之境界

尔時大慧菩薩摩訶薩蒙佛許已頂禮佛足
以偈問曰

云何起計度

云何淨計度

云何起迷惑

云何淨迷惑

云何名佛子

及無影次第

云何刹土化

相及諸外道

解脫至何所

誰縛誰能解

云何禪境界

何故有三乘

彼以何緣生

何作何能作

誰說二俱異

云何諸有起

云何無色定

及與滅盡定

云何爲想滅

云何從定覺

云何所作生

進去及持身

云何見諸物

云何入諸地

云何有佛子

誰能破三有

何處身云何

生復往何處
三昧心何相
云何名意識
云何姓非姓
云何成無我
云何得不起
其相不相違
云何爲性空
云邪故不動
軋城及陽焰
覺分從何起
云何知世法

云何得神通
願佛爲我說
云何起諸見
云何唯是心
云何無衆生
常見及斷見
何故當來世
云何刹那滅
云何諸世間
乃至水中月
云何國土亂
云何離文字

自在及三昧
云何名藏識
云何退諸見
何因建立相
云何隨俗說
云何佛外道
種種諸異部
胎藏云何起
如幻亦如夢
云何菩提分
何故見諸有
云何如空花

不生亦不滅

真如有幾種

諸度心有幾

云何如虛空

云何離分別

云何地次第

云何得無影

何者二無我

云何所知淨

聖智有幾種

戒衆生亦然

摩尼等諸寶

斯並云何出

誰起於語言

衆生及諸物

明處與伎術

誰之所顯示

伽他補幾種

長行句亦然

道理幾不同

解釋幾差別

飲食是誰作

愛欲云何起

云何轉輪王

及以諸小王

云何王守護

天衆幾種別

地日月星宿

斯等並是何

解脫有幾種

修行師復幾

云何阿闍梨

弟子幾差別

如來有幾種

本生事亦然

衆魔及異學

如是各有幾

自性幾種異

心有幾種別

云何唯假設

願佛為開演

云何為風雲

念智何因有

藤樹等行列

此並誰能作

云何象馬獸

何因而捕取

云何畀陋人

願佛為我說

云何六時攝

云何一闡提

女男及不男

此並云何生

云何修行進

云何修行退

瑜伽師有幾

令人住其中

衆生生諸趣

何形何色相

富饒大自在

此復何因得

云何釋迦種

云何甘蔗種

仙人長苦行

是誰之教授

何因佛出世

一切剎中現

異名諸色類

佛子衆圍遶

何因不食肉

何因令斷肉

食肉諸衆生

以何因故食 何故諸國土 猶如日月形
須弥及蓮華 万字師子像 何故諸國土
如因陀羅網 覆住或側住 一切寶所成
何故諸國土 無垢日月光 或如花菓形
筌篥細腰鼓 云何變化佛 云何為報佛
真如智慧佛 願皆為我說 云何於欲界
不成等正覺 何故色究竟 離染得菩提
如來滅度後 誰當持正法 世尊住久如
正法幾時住 悉檀有幾種 諸見復有幾
何故立毗尼 及以諸比丘 一切諸佛子
獨覺及聲聞 云何轉所依 云何得無相
云何得世通 云何得出世 復以何因故

言住七地中

僧伽有幾種

云何成破僧

云何為衆生

廣說醫方論

何故大摩尼

唱說如是言

迦葉拘留孫

拘那含是我

何故說斷常

及與我無我

何不恒說實

一切唯心造

云何男女林

訶梨菴摩羅

雞羅娑輪圍

及以金剛山

如是處中間

無量寶莊嚴

仙人軋闍婆

一切皆充滿

此皆何因緣

願尊為我說

尔時世尊聞其所請大乘微妙諸佛之心最

上法門即告之言善哉大慧諦聽諦聽如汝

所問當次第說即說頌曰

若生若不生

涅槃及空相

流轉無自性

波羅蜜佛子

聲聞辟支佛

外道無色行

須弥巨海山

洲渚刹土地

星宿與日月

天衆阿脩羅

解脫自在通

力禪諸三昧

滅及如意足

菩提分及道

禪定與無量

諸蘊及往來

乃至滅盡定

心生起言說

心意識無我

五法及自性

分別所分別

能所二種性

諸乘種性處

金摩尼真珠

一闡提大種

荒亂及一佛

智所知教得

衆生有無有

象馬獸何因

云何而捕取

云何因譬喻

相應成悉檀

所作及能作

衆林與迷惑

如是真實理

唯心無境界

諸地無次第

無相轉所依

醫方工巧論

伎術諸明處

須彌諸山地

巨海日月量

上中下衆生

身各幾微塵

一一刹幾塵

一一弓幾肘

幾弓俱盧舍

半由旬由旬

兔毫與隙遊

蟣羊毛穢麥

半斗與一斗

是各幾穢麥

一斛及十斛

十萬暨于億

乃至頻婆羅

是等各幾數

幾塵成芥子

幾芥成草子

復以幾草子

而成於一五

幾豆成一鉢

幾鉢成一兩

幾兩成一片

幾斤成須彌

此等所應請

何因問餘事

聲聞辟支佛

諸佛及佛子

如是等身量

各有幾微塵

火風各幾塵

一一根有幾

眉及諸毛孔

復各幾塵成

如是等諸事

云何不問我

云何得財富

云何轉輪王

云何王守護

云何得解脫

云何長行句

姪欲及飲食

云何男女林

金剛等諸山

幻夢渴愛譬

諸雲從何起

時節云何有

何因種種味

女男及不男

佛菩薩嚴飾

云何諸妙山

仙闍婆莊嚴

解脫至何所

誰縛誰解脫

云何禪境界

變化及外道

云何無因作

云何有因作

云何轉諸見

云何起計度

云何淨計度

所作云何起

云何而轉去

云何斷諸想

云何起三昧

破三有者誰

何處身云何

云何無有我

云何隨俗說

汝問相云何

及所問非我

云何爲胎藏
及以餘支分
云何斷常見
云何心一境
云何言說智
戒種性佛子
云何稱理釋
云何師弟子
衆生種性別
飲食及虛空
聰明魔施設
云何樹行布
是汝之所問
何因一切刹
種種相不同
或有如筌篲
罽鼓及衆花
或有離光明
仙人長苦行
或有好族姓
令衆生尊重
或有體畀陋
爲人所輕賤
云何欲界中
修行不成佛
而於色究竟
乃昇等正覺
云何世間人
而能獲神通
何因稱比丘
何故名僧伽
云何化及報
眞如智慧佛
云何使其心
得任七地中
此及於餘義

汝今咸問我

如先佛所說

一百八種句

一一相相應

遠離諸見過

亦離於世俗

言語所成法

我當為汝說

佛子應聽受

尔時大慧菩薩摩訶薩白佛言世尊何者是

一百八句佛言大慧所謂生句非生句常句

非常句相句非相句住異句非住異句刹那

句非刹那句自性句非自性句空句非空句

斷句非斷句心句非心句中句非中句恒句

非恒句緣句非緣句因句非因句煩惱句非

煩惱句愛句非愛句方便句非方便句善巧

句非善巧句清淨句非清淨句相應句非相

應句譬喻句非譬喻句弟子句非弟子句師

句非師句種性句非種性句三乘句非三乘
句無影像句非無影像句願句非願句三輪
句非三輪句標相句非標相句有句非有句
無句非無句俱句非俱句自證聖智句非自
證聖智句現法樂句非現法樂句刹句非刹
句塵句非塵句水句非水句弓句非弓句大
種句非大種句筭數句非筭數句神通句非
神通句虛空句非虛空句雲句非雲句巧明
句非巧明句伎術句非伎術句風句非風句
地句非地句心句非心句假立句非假立句
體性句非體性句蘊句非蘊句衆生句非衆
生句覺句非覺句涅槃句非涅槃句所知句

非所知句外道句非外道句荒亂句非荒亂
句幻句非幻句夢句非夢句陽焰句非陽焰
句影像句非影像句火輪句非火輪句軋閻
婆句非軋閻婆句天句非天句飲食句非飲
食句姪欲句非姪欲句見句非見句波羅蜜
句非波羅蜜句戒句非戒句日月星宿句非
日月星宿句諦句非諦句果句非果句滅句
非滅句滅起句非滅起句醫方句非醫方句
相句非相句支分句非支分句禪句非禪句
迷句非迷句現句非現句護句非護句種族
句非種族句仙句非仙句王句非王句攝受
句非攝受句寶句非寶句記句非記句一闡

提句非一闡提句女男不男句非女男不男
句味句非味句作句非作句身句非身句計
度句非計度句動句非動句根句非根句有
爲句非有爲句因果句非因果句色究竟句
非色究竟句時節句非時節句樹藤句非樹
藤句種種句非種種句演說句非演說句決
定句非決定句毗尼句非毗尼句比丘句非
比丘句住持句非住持句文字句非文字句
大慧此百八句皆是過去諸佛所說
尔時大慧菩薩摩訶薩復白佛言世尊諸識
有幾種生住滅佛言大慧諸識有二種生住
滅非臆度者之所能知所謂相續生及相生

相續住及相住相續滅及相滅諸識有三相
謂轉相業相真相大慧識廣說有八略則唯
二謂現識及分別事識大慧如明鏡中現諸
色像現識亦尔大慧現識與分別事識此二
識無異相互爲因大慧現識以不思議熏變
爲因分別事識以分別境界及無始戲論習
氣爲因大慧阿賴耶識虛妄分別種種習氣
滅即一切根識滅是名相滅大慧相續滅者
謂所依因滅及所緣滅即相續滅所依因者
謂無始戲論虛妄習氣所緣者謂自心所見
分別境界大慧譬如泥團與微塵非異非不
異金與莊嚴具亦如是大慧若泥團與微塵

異者應非彼成而實彼成是故不異若不異者泥團微塵應無分別大慧轉識藏識若異者藏識非彼因若不異者轉識滅藏識亦應滅然彼真相不滅大慧識真相不滅但業相滅若真相滅者藏識應滅若藏識滅者即不異外道斷滅論大慧彼諸外道作如是說取境界相續識滅即無始相續識滅大慧彼諸外道說相續識從作者生不說眼識依色光明和合而生唯說作者爲生因故作者是何彼計勝性丈夫自在時及微塵爲能作者復次大慧有七種自性所謂集自性性自性相自性大種自性因自性緣自性成自性復

次大慧有七種第一義所謂心所行智所行
二見所行超二見所行超于地所行如來所
行如來自證聖智所行大慧此是過去未來
現在一切如來應正等覺法自性第一義心
以此心成就如來世間出世間最上法以聖
慧眼入自共相種種安立其所安立不自
道惡見共大慧云何爲外道惡見謂不知境
界自分別現於自性第一義見有見無而起
言說大慧我今當說若了境如幻自心所現
則滅妄想三有苦及無知愛業緣大慧有諸
沙門婆羅門妄計非有及有於因果外顯現
諸物依時而住或計蘊界處依緣生住有已

即滅大慧彼於若相續若作用若生若滅若
諸有若涅槃若道若業若果若諦是破壞斷
滅論何以故不得現法故不見根本故大慧
譬如瓶破不作瓶事又如焦種不能生乎此
亦如是若蘊界處法已現當滅應知此則無
相續生以無因故但是自心虛妄所見

復次大慧若本無有識三緣合生龜應
沙應出油汝宗則壞違決定義所作事業悉
空無益大慧三合為緣是因果性可說為有
過現未來從無生有此依住覺想地者所有
理教及自惡見熏習餘氣作如是說大慧愚癡
凡夫惡見所噬邪見迷醉無智妄稱一切智說

大慧復有沙門婆羅門觀一切法皆無自性
如空中雲如旋火輪如輶闍婆城如幻如焰
如水中月如夢所見不離自心由無始來虛
妄見故取以為外作是觀已斷分別緣亦離
妄心所取名義知身及物并所住處一切皆
是藏識境界無能所取及生住滅如是思惟
恒住不捨大慧此菩薩摩訶薩不久當得生
死涅槃二種平等大悲方便無功用行觀衆
生如幻如影從緣無起知一切境界離心無
得行無相道漸昇諸地住三昧境了達三界
皆唯自心得如幻定絕衆影像成就智慧證
無生法入金剛喻三昧當得佛身恒住如

起諸變化力通自在大慧方便以為嚴
衆佛國離諸外道及心意識轉依次第成如
來身大慧菩薩摩訶薩欲得佛身應當遠離
蘊界處心因緣所作生住滅法戲論分別但
任心量觀察三有無始時來妄習所起思惟
佛地無相無生自證聖法得心自在無功用
行如如意寶隨宜現身今達唯心漸入諸地
是故大慧菩薩摩訶薩於自悉檀應善修學

大乘入楞伽經卷第一

御製新譯大乘入楞伽經序

楞伽 上郎 曩 乃朗 及 號 音 粵 莫班 樞 昌朱 鍵

鑰也 關 混 胡本 袪 丘居 衿 音 泯 滅也 忍 反 外 軟

也 雜 炎帝 上尤 穎水 在汝南也 討 也 于 闡

下 田 殿 襲 音 習 合 芳猷 美也 由 探 取也 舍 反 馥

音 伏 冲 微 引 反 奧 賸 上烏告 反 下 助 甬 反 縉

時 翳 反 菲薄 上 芳尾 珪璋 字音圭 章 縉 俗

上 例 思 反 婢僕 下 女 六 反 媿 字音圭 章 縉 俗

黑 色 也 水 臆度 徒 各 反 憶 胃 下 相 和 下 去 咤

迹 上 竹 反 刺 郝 達 郎 訶 衍 下 音 甕 耳 上 於 頤 居

反 一 醫 翳 一 計 奮 迅 下 方 問 反 振 也 巧 頤 居

視 斜 頤 反 胔 脇 下 虛 業 反 股 助 也 虫 工 拖 上 音 紅 一 音

視 斜 頤 反 胔 脇 下 虛 業 反 股 助 也 虫 工 拖 上 音 紅 一 音

音他曳也
音施平也
音更第
音蓋上虛
音提上
音瑜上

舊音他
粉施平也
藤徒登反
捕音捉步
闡提上
瑜伽上

俞甘蔗
下之夜反
筥筥
二字音菴
洲渚
下音

中沙潭
可居也
大肘
或知仰反
八寸二及
隙遊

者曰州
可居也
大肘
或知仰反
八寸二及
隙遊

上丘
迳反
壁孔
塵也
六筥
孔塵為一
兔

芥子
成塵
一七
麥
成
指
二指
成
芥子

知一
隔兩
拘盧舍
四肘
成
一
千
出
鏃

也
穊
俱猛
反
斛
胡谷
反
斛
至也
及
銖
殊音

為二
一十
兩四
標
反必
遙
醫
字醫
啞
音也
一

